

鄧析鄭之辨士謂伯豐子曰汝知養養上去聲下

如之義乎愛人養而不能自養者犬豕之

類也養物而物我用者人之力也使汝之

徒食而飽衣而息執政之功也長幼羣聚

而為牢籍庖廚之物奚異犬豕之類乎伯

豐子不應伯豐子之徒者越次而進曰大

夫不聞齊魯之多機乎有善治土木者有

善治金革者有善治聲樂者有善治書數

者有善治軍旅者有善治宗廟者羣才備

也而無相位者無能相使者而位之者無

知使之者無能而知之與能為之使焉執

政者乃吾之所使子奚矜焉鄧析無以應

目其徒而退此言有知有才有能為無知

無才無能者所使也何足貴哉是故懷抱

道樸之人不彰名譽不顯才能昏昏默默

道遙於世而無敢使之者凡人見之者不

假言說目擊而道存自然賓服而從化矣

故經云道常無名樸雖小天下不敢臣侯

王若能守萬物將自賓

衍義云不假威武勸賞物不知其然而自

賓矣

鈔孟子滕文公章句下云孟子答景春景春

居天下之廣居立天下之正

位行天下之大道得志與民由之不得志

獨行其道當貴不能淫貧賤不能移威武

不能屈此之謂大丈夫此言侯王若能以

道自守萬物自知賓服何用威武哉

衍義云塵垢執糠足以陶鑄堯舜

鈔莊子逍遙篇之文云大浸稽天而不溺

大旱金石流土山焦而不熱是其塵垢執

糠將猶陶鑄堯舜者也執肯以物為事堯舜

堯舜者世之名耳為名者非名也故夫堯舜者道直堯舜而已哉必有神人之實焉今所編堯舜者徒名其塵垢執糠耳

道德真經衍義手鈔卷之八

道德真經衍義手鈔卷之九

量七

五華清安遠士王守正集

知人者智章第三十三

知人者智自知者明

衍義云若辨黑白

鈔莊子外篇天運篇莊子曰夫鵠又作鶴

不日浴而白烏不日黔而黑黑白之朴

不足以為辨此言黑白得之自然不在浴而白也

衍義云智者察人之邪正

鈔孟子曰存乎人者莫良於眸子眸子不

能掩其惡曾中正則眸子瞭焉曾中不正

則眸子眊焉聽其言觀其眸子人焉廋哉

人焉廋哉廋也此言人之邪正觀其眸子

即可見也蓋人與物接之時其神在目故

曾中正則精神而明不正則神散而昏以

此察之則人之邪正善惡不可得而匿矣

故曰知人者智自知者明

衍義云如別妍媸

鈔九幽懺第五卷中云報應因緣如影逐

影逐

形譬如淨鏡照人媿妍自別善惡之業理亦如然

衍義云而不能見其睫

鈔莊子庚桑楚之文老子曰向吾見若眉睫也之問

衍義云復以自知

鈔周易繫辭云復以自知言既能反復求諸已則自知得失也

勝人者有力自勝者強

衍義云常勝之道

鈔列子黃帝篇之文天下有常勝之道有不常勝之道常勝之道曰柔不常勝之道曰強二者亦知亦當而人未之知故上古之言強先不己若者柔先出於己者先不己若者至於若已則殆矣

衍義云羿善射養壘舟皆以力勝人者也鈔論語憲問第十四南宮适問於孔子曰即南羿善射養壘舟俱不得其死焉羿是有窮氏之國君也最善於射篡夏后太康之位而自立其臣寒浞又殺羿而代之春

秋傳言羿乃浞浞之子也力能陸地行舟後為夏后少康所殺羿與養壘皆古之多力強暴之人終不得其死二人恃其有力不特不能勝人又不能自勝此老氏之所戒人也

衍義云柝金革死而不厭北方之強也

鈔中庸第十章柝金革死而不厭北方之強也柝席也藉也金戈兵之屬革甲冑之屬北方風氣剛勁故以果敢之力勝人為強強者之事也

衍義云夫子所謂和而不流中立而不倚強哉矯

強哉矯

鈔中庸第十章云君子和而不流強哉矯詩曰矯矯武夫是也倚偏著也此則所謂中庸之不可能者非有以自勝其人欲

之私不能擇而守也君子之強執大於是夫子以是告子路所以抑其血氣之剛而進之以德義之勇也

知足者富強行者有志

衍義云莊子曰曾子居衛緇袍無表

鈔莊子讓王篇之文曾子居衛緇袍緇麻

無表顏色種喻喻利手足胼胝以麻緇袍紮復紮束三日不舉火十年不製衣正冠而纓絕提衿而肘見納履而踵決根後曳絰而歌商頌聲滿天地若出金石天子不得臣諸侯不得友頌管頌叶官商其辭理非符天地聲氣皆在又滿金石風調高素起地人倫故不與天子為友也

衍義云孔子謂顏回曰回來家貧居卑胡不仕乎

鈔莊子讓王篇之辭義中已詳不復重錄不失其所者久死而不亡者壽

衍義云恒久也象稱君子以立不易方不失其所也

鈔周易恒卦彖辭彖曰恒者久也剛上而柔下剛柔得得其柔也象曰雷風恒君子以立不易方君子立身得其恒久之道

衍義云列子之不化

鈔列子天瑞篇第子告列子之辭其言曰有生不生有化不化不因物生不為物化故能生於東生化於

者也不生者能生不生者能化化生者不能不生化者不能不化

衍義云莊子之不死

鈔莊子大宗師篇云已外生矣而後能朝徹朝徹而後能見獨見獨而後能無古今

無古今而後能不死不生夫能同然不崇朝而遠徹忘先後之速捷斯見獨者也

衍義云釋氏之滅

鈔傳燈錄惠能大師對內侍薛簡云我說不生不滅者本自無生今亦無滅昭然此

廢契長生矣此言人生天地間若安其素分委任天和乘化而來任化而往是則君子察人所履之行則知壽夭況於修至道

噴元和而不能長生乎

衍義云夫身如蜩甲蛇蛻寓之而已矣

鈔莊子齊物篇之辭罔兩問於影影曰吾待蛇蚘此腹下蝨也不蝨翼耶若待蛇蚘

蝨翼則無特操之所由則尋責無極卒至於無待而不獨化於玄冥矣

大道汎兮章第三十四

大道汎兮其可左右

衍義云夫道至高無上至深無下

鈔文字符言篇云老子曰夫道至高無上至深無下上手無上下手無下平乎準直

手繩非繩而直無繩不正圓乎規方乎矩非圓能圓而無圓包裹天地而無表裏非方能方而無方大通無滯是

故體道者不怒不喜其坐無慮寢而不夢是故玄同取以為證以道大無方汎兮其

可左右也

衍義云大道無乎不在或在或左或右皆逢其原

鈔孟子離婁章句下孟子曰君子深造之以道欲其自得之自得之則居之安居之

安則資之深資之深則取之左右逢其原故君子欲其自得之也此體道之士反求

諸已而自得之也

萬物恃之以生而不辭功成不名有

衍義云無母何恃

鈔毛詩小雅蓼莪篇之文無父何怙無母

何恃出則銜恤入則靡至此言萬物恃道以生亦猶人之恃母而生成也

愛養萬物而不為主常無欲可名於小萬物歸之不為主可名於大

衍義云復小而辨於物

鈔周易繫辭第八之文云復小而辨於物此言復卦於初細微小之時即能辨物之

吉凶不遠速復也

執大象章第三十五

衍義云舜有羶行百姓悅之三徙成都至鄧之墟來之者十萬家

鈔莊子徐無鬼篇之文義中已備不復再錄

衍義云大王居邠狄人侵之邑于岐山下居焉從之者如歸市

鈔孟子梁惠王章句下滕文公問齊人將築薛吾甚恐如之何則可孟子對滕君之辭義中已詳不復重錄

衍義云國安民豐欣樂太平

鈔靈寶無量度人經上卷之文齊同慈愛
異骨成親國安民豐欣樂太平此言有道
之君民皆歸之而無害舉皆欣欣然各得
安平之樂也

衍義云平則無險陂之患

樂與餌過客止

鈔易繫辭之文易曰無平不陂陂者傾也
衍義云莊子載北門成問於黃帝曰帝張
咸池之樂於洞庭之野

鈔莊子天運篇之辭姓北門名咸黃帝臣

也欲明至樂之道故寄此二人更相發起

也咸池樂名張施也咸是和也洞庭之野

天地之間非大湖之洞庭也怠退怠也卒

終也復重也惑闇也不悟至樂初聞之時

懼然驚悚再聞其聲稍悟音旨故懼心退

怠最後聞之知至樂與二儀合德視聽不

見故心無分別有同暗惑者也蕩蕩平易

而無偏默默而無知茫然坐忘物我俱喪

乃不自得坐忘之謂也

衍義云齊人饑黥教為食於路以待餓者

而食之有餓者蒙袂^也輯^也屣^也貿^也貿^也
然來黥放左奉食右執飲曰嗟來食揚其
眉而視之曰子惟不食嗟來之食以至於
斯也終不食而死

鈔孟子告子章句上云孟子曰一簞食一

豆羹得之則生弗得則死^{呼故}爾而與

之行道之人弗受蹴爾而與之乞人不屑

也^{朱晦庵註曰木也呼咄咄之乞人乞弓}

之人也不屑不以為潔也言雖飢餓之志

而猶惡無禮有寧死而不食者是其羞惡

之本心欲惡有甚於生死者人皆有之也

言此與不受嗟來之食其義頗同故引此

以為證者謂飢餓之為人害保矣見食而

不食寧就死而不食是惡禮之不足而不

食也是則過客亦有不為解止者矣

衍義云莊子曰仁義先王之遠廬也止可

一宿而不可久處

鈔莊子天運篇云蓬廬逆旅傳舍也不可

久停以仁博愛以義裁非何異假借塗路

寄託止宿耶不可以久交體道化人人歸
於道澹然長久豈可散乎
道之出口淡乎其無味視之不足見聽之不
足聞用之不可既

衍義云列子曰形之所形者實矣而形形
者未常有

鈔列子天瑞篇之文義中已備不復重錄
此言無為之用與道合真豈有盡耶

將欲歛之章第三十六

將欲歛之必固張之將欲弱之必固強之將

欲廢之必固興之將欲奪之必固與之是謂

微明

衍義云聖人之玄奧莫妙於權實

鈔唐杜天師義曰聖人設教分權實二門

上士利權了通實教中下之士須示權門

權門變通其法甚廣依經所判略具四門

第一將欲歛之必固張之者攝其心也第

二將欲弱之必固強之者攝其性也第三

將欲廢之必固興之者攝其欲也第四將

欲奪之必固與之者攝其貪也夫心廉則

道契心侈則過生因侈獲過自思復其廉

矣此歛歛其心之權也性弱則德全性強

則禍起因強起禍自思復其弱矣此伏性

控強之權也寡欲則行清多欲則神濁欲

深濁極自思復其清矣此廢欲清神之權也不貪則儉約極貪則殃身因貪獲殃自思復其儉矣此修儉奪貪之權也皆先極其侈心使自困於貪欲然後反性修道也乍聞者以為非無為自化之自然性有利鈍之別悟有漸頓之殊頓悟者不假於從權漸化者須資於善誘乃有權實之別爾權道教人合歸於大義故云貴於合義也小人輕弄權道因以詐欺故不可以輕示於非道之人耳論語云可與立未可與權

言用權之難也

衍義云此聖人所以覆霜而知堅冰之至鈔周易坤卦之辭初六履霜堅冰至此言初六陰氣之微似若初寒之始但履踐其霜微而積漸故堅冰乃至所謂陰道初雖柔順漸積著乃至堅剛

衍義云勾踐欲弊吳而勸之伐齊鈔史記云孔子在衛聞齊國田常欲為亂告諸弟子曰吾不忍父母之邦而受敵今吾欲屈節於田常以救魯誰為使子貢請

使夫子許之遂如齊說田常請緩師吾請救於吳今救魯而伐齊子因以兵迎之田常許諾子貢遂南說吳王名存亡魯實困強齊救魯伐齊威加晉國諸侯必相率而明霸業威矣吳王乃遣子貢之越子貢曰

今者吳說吾王以救魯伐齊其志欲之而心畏越勾踐頓首曰孤常不料力而與吳難受困會稽痛於骨髓日夜焦唇乾舌徒欲與吳王接踵而死孤之願也今大夫幸告以利害子貢曰吳王為人猛暴羣臣不堪國家疲弊此則報吳王之時也越王勾踐使大夫文種頓首言於吳王曰越悉境內之士三千人以事吳吳王乃受越王卒謝留勾踐遂自發國內之兵以伐齊敗之子貢遂北見晉君今承其弊吳晉遂過於

黃池越王襲吳之國吳王歸與越戰滅焉孔子曰夫其亂齊存魯吾之始願若能強晉以弊吳使吳亡而越霸者賜之說也美言傷信慎言哉

衍義云齊桓公好味而易牙烹其子而餌

之虞君好寶而晉獻公以璧馬釣之胡王好音而秦穆公以女樂誘之

鈔淮南子主術訓之文也鴻烈解曰齊桓公好味而易牙烹其子而餌之者按史記齊世家云初齊桓公之夫人三皆無子好內多內寵如夫人者六人長衛姬生無虧少衛姬生惠公元鄭姬生孝公昭葛蕪生昭公潘切升密姬生懿公商人宋華子宋華氏之女子姓生公子雍雍有寵於恭姬周人為難官名易牙也 因宦者豎刁以

厚獻於桓公亦有寵桓公許之易牙既有寵於公為管仲病桓公問曰羣臣誰可相者管仲曰知臣莫如君公曰易牙何如對曰殺子以適君非人情不可公曰開方何如對曰倍親以適君非人情難近衛公子其千乘之太子公子豎刁何如對曰自宮以適君非人情難親管仲死而桓公不用管仲言卒近用三子三子專權此謂易牙烹其子而要桓公也虞君好寶而晉獻公以璧馬釣之者按春秋僖公二年云晉荀

息請以屈產之乘與垂棘之璧假道於虞
以伐虢荀息荀叔也在地生良馬垂棘出
美玉故以為名四馬曰乘自晉道
虢途出於
虞故假道於公曰是吾寶也對曰若得道於
虞猶外府長公曰宮之奇存焉宮之奇虞
忠臣也對曰宮之奇之為人也懦而不能強諫且

少長於君君暱之雖諫將不聽乃使荀息
假道於虞曰虞君許之且請先伐虢喜以
厚賂而欲
宮之奇諫不聽遂起軍滅下陽五年
晉侯復假道於虞以伐虢宮之奇諫公虞
號之表也虢亡虞必從之晉不可啓寇不

可說一之謂甚豈可再乎諺所謂輔車相
依唇亡齒寒者其虞虢之謂也虞公弗聽
冬十二月丙子朔晉滅虢號公醜奔京師
師還館于虞遂襲虞滅之執虞公及其大
夫弁伯以滕秦穆姬秦穆公姬獻公女也
送女曰滕以在辱之

此謂晉獻公以璧馬而釣虞君也胡王好
音而秦穆公以女樂誘之者按史記秦本
紀云秦穆公三十四年戎王使由余於秦
由余其先晉人也亡入戎能晉言聞繆公
賢故使由余觀秦於是繆公退而問內史

廖丑旭曰孤聞鄰國有聖人敵國之憂也
今由余賢寡人之害將奈之何內史廖曰
戎王處羣匿未聞中國之聲君試遺其女
樂以奪其志為由余請以疏其間留而莫
遣以失其期戎王恠之必疑由余君臣有

間乃可虜也且戎王好樂必怠於政繆公
曰善因與由余曲席而坐傳器而食問其
地形與其兵勢盡察而後令內史廖以女
樂二八遺戎王戎王受而說之終年不還
於是秦乃歸由余遂諫不聽繆公又數使

人間要由余由余遂去降秦繆公以客禮
禮之問伐戎之形三十七年秦用由余謀
伐戎王益國十二開地千里遂霸西戎此
謂秦穆公以女樂誘胡王也故玄同引此
以明欽張與奪之權也若此

衍義云莊子稱徐無鬼見魏武侯先相狗
馬然後勞君之神形而結以政治斯乃知
者欽張之權也
鈔莊子徐無鬼篇之文云徐無鬼姓徐字
無鬼魏之偃因女商見魏武侯女商姓女名商魏
之幸區也武侯文

武侯之子早為八世孫也武侯勞之曰先生病矣苦於
山林之勞故乃肯見于寡人徐無鬼曰我
則勞於君君有何勞於我君將盈嗜慾長
好惡則性命之情病焉君將黜嗜慾擊若
切好惡則耳目病矣我則勞君君有何勞

於我武侯超然不對少焉徐無鬼曰嘗語
君吾相狗也下之質執飽而已是狸德也
中之質若視日上之質若亡其一吾相狗
又不若吾相馬也吾相馬直者中繩曲者
中鈞方者中矩圓者中規是國馬也而未

若天下馬也天下馬有成材若郵音休若
失音若喪其一若是者超軼音休絕塵不知
其所武侯大悅而笑徐無鬼出女商曰先
生獨何以說吾君乎吾所以說吾君者橫
說之則以詩書禮樂從音休說之則以金

版六覆音細金版六幅用書篇名也又云
文武虎豹龍犬是謂曰望六幅也
奉事而大有功者不可為數而吾君未嘗
答齒今先生何以說吾君使吾君悅若此
乎徐無鬼曰吾直告之吾相狗馬耳女商
曰若是乎曰子不聞夫越之流人乎去國

數日見其所知而喜去國旬月見所嘗見於國中者喜及暮年也見似人者而喜矣不亦去人滋久思人之滋深乎夫逃虛空者藜藿柱味上乎魁音馳音之運音踈音位其空聞其足音登然而喜矣又况乎昆

弟親戚之聲切苦頂欬切苦其側者乎久矣夫莫以真人之言聲欬吾君之側乎言此者以武侯素好犬馬凡欲規諫必先投其機然後以正理言之則必喜矣此亦歛張與奪之權也故玄同取以為說云

柔弱勝剛強魚不可脫於淵國之利器不可以示人

衍義云猶魚之不可脫於淵魚脫於淵則獲

鈔莊子庚桑楚篇云函車之獸介而辭山則不免于罔罟之患吞舟之魚音而失水則蟻能苦之故鳥獸不厭高魚鱉不厭深其斯之謂歟

衍義云此之謂獨化
鈔莊子在宥篇云獨有之人是之謂至貴

此言獨有之人蒼生樂推百姓荷戴以斯為主不謂至尊至貴也大宗師篇云朝徹而後能見獨見獨而後能無古今任造物之日新隨變化而俱往不為物境所遷故云獨化

衍義云易曰巽以行權
鈔易繫辭曰巽以行權者順也言能順時合宜故可以行權也若不順時制變不可以行權也
衍義云於魚得計

鈔莊子徐無鬼篇之文云是以神人惡眾至眾至則不比不比則不利也故無所甚親無所甚踈抱德煬和以順天下此謂真人於蟻棄知於魚得計於羊棄意不慕

人故蟻棄知也不為踈行物故於羊棄意也既達仁義合于道不傷滿沐相忘於江湖故於魚得計此序

道德真經衍義手鈔卷之九

道德真經衍義手鈔卷之十

量八

王華清安進士王守正集

道常無為章第三十七

道常無為而無不為

衍義云道以無為為常

鈔莊子天地篇之辭故曰古之畜天下者無欲而天下足無為而萬物化又云無為為之之謂天無為言之之謂德

衍義云天下之善人少而不善人多

鈔莊子胠篋篇之辭此乃盜跖答其徒之

言由是觀之善人不得聖人之道不立跖不得聖人之道不行天下之善人少而不善人多則聖人之利天下也少而害天下也多

上德不德章第三十八

上德不德是以有德下德不失德是以無德

衍義云支離所為百姓日用而不知

鈔支離所為者謂其德支折離散不彰其用不顯其名之義也莊子人間世篇云支離疏者願隱於膺肩高於項會撮上古外